

## Wessel nao teihn Joahr

Äöver teihn Joahre weg hett Frau Hiltrud Busse in'n Vörstand van den OCRS dei Kasse verwoahrt. Nu wull sei gerne dit Amt wiedergäben. Dat passeierde up dei Generaolversammlung. Frau Maria Molske wörd einstimmig als neie Kassenmeesterschke wählt.

Use eierste Vörstitter, Herr Helmut Abeln, dankede Hiltrud för dei alltiet best verwoahrte Kasse un för dei gastfründlike Upnaohme bi Bussen, wenn't wat tau'n Beschnacken geef, of we'm dei Kasse pröven dö. As besünneret Anerkennungsteiken drückede Helmut ehr einen mojen Blaumenstruk in dei Hand.

Dei heele Versammlung stünd achter dei Glückwünschke för Hiltrud un Maria. Einen heller besten Dank an use beiden Fraulüe för dei daon un taukünftige Clubarbeit!

